

Tuzla, 05.10.2018. godine

Kriteriji za izdavanje sredstava iz Vitalis Fonda

Svrha i ciljevi fonda

Vitalis Fond jeste privatni Fond osnovan s ciljem jačanja tuzlanskog sporta i zadržavanja mladih sportskih talenata.

Distribucija sredstava

Sredstva iz Fonda se distribuiraju na osnovu javnog poziva za dostavljanje zahtjeva za stipendiranje.

Iznos stipendije:

Stipendije se izdaju u vrijednosti od 100-2.000,00 KM

Ko može aplicirati:

Svi mladi sportski talenti, državljani Bosne i Hercegovine nastanjeni na području Grada Tuzla, uzrasta od 15-19 godina (rođeni u periodu od 1999-2003. godine) a koji su u protekle dvije godine pokazali izuzetno zalaganje i dobre rezultate u sportu kojim se bave, uz sljedeće napomene:

- Da su sportski rezultati postignuti iz oblasti olimpijskih sportova
- Da su sportski rezultati postignuti u okviru sportskih klubova sa područja Grada Tuzla
- Da su kandidati za stipendiju pored izuzetnog zalaganja i sportskih rezultata u protekle dvije godine pokazali zalaganje i zavidne rezultate u okviru svojih školskih obaveza

Podnošenje zahtjeva za stipendiranje

Prilikom podnošenja zahtjeva za stipendiranje potrebno je popuniti i dostaviti sljedeće dokumente:

- Popunjen zahtjev za dodjelu stipendije u okviru kojeg kandidat/kinja treba da napiše motivaciono pismo, odnosno kratki esej na temu "Tuzla grad sporta, moje zalaganje zaslužuje podršku" (u prilogu);
- Potpisanu saglasnost roditelja za dostavljanje zahtjeva za dodjelu stipendije;
- Preporuku trenera za zalaganje u sportu;
- Pismene potvrde o ostvarenim sportskim rezultatima (ovjerene potvrde od kluba ili sportskog saveza);
- Potvrdu CIPS-a o mjestu prebivališta;
- Potvrdu od škole o pohađanju i uspjehu kandidata u poslednja dva razreda (kopije svjedočanstva ili indeksa);
- Izjavu o socijalnom statusu kandidata (u prilogu);

Popunjen zahtjev i dodatnu dokumentaciju potrebno je dostaviti poštom ili lično u prostorije Fondacije tuzlanske zajednice na adresu Pozorišna 13, 75000 Tuzla.

Rok za prijavu:

Zahtjeve slati do 04.11.2018.

Pravila i kriteriji za dodjelu stipendije

- Stipendije se izdaju u vrijednosti od 100- 2000 KM.
- Stipendiranje za jednu osobu se vrši za period od minimalno 1 godine do maksimalno 2 godine
- Obnavljanje stipendije na period od 2 godine nije moguće kroz Vitalis Fond.
- Osnovni kriteriji za vrednovanje i dodjelu stipendije su: zalaganje sportskog talenta i ostvareni sportski rezultati (međunarodni, državni, kantonalni, lokalni nivo), nastupi za reprezentaciju,

preporuka trenera, uspjeh i zalaganje u školi, uslovi življenja i socijalno-materijalni status, uslovi treniranja, potencijal i mogućnosti za dalje uspješno bavljenje sportom, podrška od strane drugih donatora ili sponzora.

- Nepotpune i neovjerene prijave neće biti uzete u razmatranje
- Odluku o dodjeli sredstava donosi Komisija najkasnije mjesec dana nakon zatvaranja poziva

Selma Memišević
Kordinatorica programa finansijske podrške
Fondacija tuzlanske zajednice

